

魏
叔
子
詩
集

敘

士杰

性愚魯長學制舉藝矻矻不能工聲誦志進譬

諸聞鐘而日鳴其形似亦謬誤矣已未孟冬勺庭夫

子信宿蜀江與家大父談論古今有及詩歌士杰侍

側親承德音雖不知何者爲工而心戚戚若有所動

更請先生詩集讀之如入大海寶藏心疑目眩不知

其所取舍於是累日月卒業則見其於父母兄弟篤

摯而纏綿也於閨房婉而義也於朋友侃直而厚也

於君國之際痛而沈深慨然以遠也於人情事理博而中刻而平也於尚論古人卓乎其高以精也細至山水花木游燕之作天真爛然綽然其自得也

士杰

不知詩然孔子所謂興觀羣怨事父事君若皆可于是乎取之公明宣曰宣說之學而未能其

士杰

之謂

矣爰編次授梓人公諸同志而兼采錄諸家之評論

士杰

聞先生年十四便爲詩不工輒棄去其後嘗好

論同堂人詩工拙每開口同堂能詩者輒笑之曰汝

第談古文不得更與此事先生乃益爲詩不一年而
成詩出能詩者皆折服有所作咸就先生相質疑問
難無虛日然則先生天資高其詩固未嘗不由學得
也予小子敢不勉遂敬書數語引其端云

泰和門人歐陽士杰百拜撰

自敘

古人之詩適已之意而後人之詩必求適于人然後稱適于已詩詞日工而意則已遠矣余嘗論詩興屬而辭工作之傳之不必合古人也興屬辭不工有其作之不必傳之如家人父子讌言適意未嘗可勒之書也意至而興會不屬不必更作觀山川風雲草木之變鬱勃於中久而意盡猶作詩也取古今人詩翠然有當于吾心者咏之歌之不足而再三歌之久而意盡猶作詩也詩不必不求工工者自工拙者自拙

吾之天懷與元聲固攸然而自得已易堂魏禧書

魏叔子詩集目錄

一卷四言

獨漉篇

壽謝中菴

書白衣子扇面

秋蟲吟

病中送林

确齋

傷懷詩

竹歌

擬鍾建新

婿詩

季芊答詩

桂頌

躁箴

筆銘

讀水滸

三首

葉烈婦誄

梅誄

苦夜長

已而行

區區行

讀史雜詠

十首

出北門送死

賦得老驥伏櫪

景行五章

冠已四章

焚灸頌

謂爾一章

雙孝堂頌

苟全居銘

鏡架銘

有穆斯人

五章

題像

火一章

後獨漉篇

碧幢銘

二卷雜言

謹言箴

白日辭

醉者歌

白日歌

值松草堂歌

善人頌

踟躕行

欹瘦銘

笛杖銘

書筒銘

黃婦謠

賦得老驥伏櫪

三愁詩 三首

題張曲江像

四愁詩

役人歌

題王蒼厓像

鷓林先生像 贊

王中齋像贊

延壽篇

乙巳元旦 試筆

梁質人屬

題帳

爲宋錦舍

銘硯

梓潼帝君贊

偶書

丙午元旦

試筆

題王山長像

石銘

題陸梯霞像

題烟雨歸耕圖

杖銘

三卷五言古

水莊獨立

井上采栝

樓子

送堊師謝元一

獨宿烏谷

擁被 五首

勺庭晨起

哭謝曲齋

送蔡立先

宿烏谷

霜夜寄伯兄

送卞道人

采藥

朝日

底言

八首

偶題

水莊

朋友篇

送胡心仲

擬古二首

長夜

題冠石耦

耕圖

尋楊文

正公墓處二首

營墓自

李村歸作二首

辭墓

移梅勺庭不活

窗下

遣懷

贈彭茗柯

喜高自

山寄礪丸至

勺庭梅活

哀葉蘊

經三首

送伯兄再

之湖陽

贈林確齋

四十一

妣誕日

水莊示季第

諸子世傑

冠既

婚友帖

上先徵君墓

李力負五十

雜興 六首

曾省之四十一

又一

掃落葉

三首

出郭行

入郭行

從征行

寄彭躬菴

金精洞望

三嶽峰

賦得老驥

伏櫪

夢先徵君

金精曲

十一首

卽事

門人各賦勺庭詩覽畢作此

讀彭躬菴

廬山詩

爲楊亮先作

題煙波草堂

四卷五言古

詠史詩

廿二首

述鍾穀城司理死難詩

漢閣大水

同林夏叔

江氏草亭

過鄧侍御東園

酬黃元士

會法南六十

再過赤溪

擬古酬株菴

蚤發梅溪

梟鳴

三首

賣薪行

孤女行

孤兒行

聖恩寺懷

季弟

贛江呈伯兄

經雩都故寓

勺庭示諸生

寄溫聞衣

同彭躬菴南下

贈宋未有

別吳稽田

邵伯隸

甃社湖書懷

守死詩

夢作豆腐干頌

贈別靜菴

尋顧龍川舊寓處喜值

宿薛顒若

室醫

贈陸冰修

湖上寄謝德水

吳門酬蔡生

贈靈岩老人

申園雜興

十四首

贈彭中叔

送門人熊頤

寄費所中

清明懷兄弟

苦旱別蔡

間伯

答菊

菊答

贈門人賴韋

遊仙詩

八首

新城道上

送伊公入山

灌瓦研

步歡白髮韻

送木大師

編左氏兵

法寄門人

哭宋未有

壽涂允恒

蕭孟昉五十

坐晚對軒

留簡方素北

別門人曾

麗天

辛亥端陽

詩集

集許師六齋

贈姜奉世

贈余東巖

聞竹外鳥聲

水莊寄伯兄

題畫

同桂山先生

立月

書楊都人扇

禮藥地大

師塔

夢故人

題採桑圖

贈門人孔

用儀

贈門人盧

永言

贈溫聞衣

五卷七言古

古意

烏夜啼

江南弄

勺庭嘗桃

屋後有松栢

瀟湘曲

却寄無倚師

大風

賦得老驥伏櫪

金精行

庚子長至日

二首慈烏篇

新晴歌

聞雷

寄甘健齋

贈熊見可

快哉行

拙哉行

壽楊永年

十五

歡喜亭老僧

石松詩

赤岡二查歌

早發華陽鎮

揖黃君

廣陵別冷

子山

上江行

贈愚菴和尚

贈胡彥遠

青門歌

壽何母七十

壽陳崑良

感白鹿洞

書院

送黃孝廉

紀夢

題方九臯

蕭譜

贈涂宜振

送越辰六

題宋射陵

蕭譜

吳門六月歌

夏雲

夢中聞鼓聲

蕭孟昉滕寓詩

答楊友石

題蕭小副像

六卷五言律

初過冠石

登蓮花山

東巖歸作

過馬嶺遇雨

同會止山宿

冠石

山閣落梅

二首

看泉上落花

婦病

伏驥

不寐

題羅飯牛書

送二任歸九江

寒雨見松

間桃
花

病卧聞月

客寢牀蚤可掬

間林舟之

彈
琴

冠石草堂

金精谷中

遺冠
子

貽危習生

夢徵君

湛田寄曾止山

望月別胡

心
仲

秋夜迴文

賦得老驥伏櫪

貽胡心仲

登日峰

訪木大師

劉氏竹園

十首

蛙鳴

晚泊南康

登左蠡樓

宿萬杉

過陶彥存

懷林确齋

七夕寄內

宿江爾慈藥室

春早發翠微

二首

清明日寄內

竹橋桃花

留飲檀水

別業

輓浣君詩

別沈方鄴

歸有園看桂

送友人之

金陵

自西溪尋友人

廣陵晤余

生

病痢憶內

贈華子三

贈王橘菴

喜躬菴確

齋見過

贈絕上人

二首

雲梯山

二首

贈契巖

酬王侶薪

卮心訪友

雪霽寄內

松花

春半憶勺庭

贈楊叅末

贈方西城

七卷七言律

己亥八月懷曾止山在吳

送曾止山入廣

送季弟入廣 贈黃生

嘗稻日奉壽

伯兒

賦得老驥伏櫪志在千里

別胡心仲

懷彭躬菴

秋望廻文

西閣懷季弟

柬李少賤

送李孟遷

送友人之秦

艾煥要

懷沈仲連

先生

經頭陂墟市

甘健齋索

白桃樹秧

送伯兄北行

逢杜美吾烹魚

通慧寺紀夢

南州寄內

食桃寄舍弟

惠民門納涼

登五老峰

懷石公

赭山

登雨花臺

高郵九日懷

伯兒

寄內

寄舍弟和公
白馬湖

淮陰寄門人

漂母祠

淮陰侯釣臺

二首

邗溝放船

酬陳集生

宿陸梯霞

贈陳貞倩

靈岩懷古

二首

納妾酬朱靜菴

九日寄內

重登燕子磯

題鍾山圖

和八音體詩

酬王又逸

廬陵山中寄

兄弟

雪中寄世傑

東宋牧仲

拜楊文正公墓

八卷五七言絕

巳亥七夕

五首

山猿

八首

賦得老驥

伏驥四首

題壽竹

夢伯兄蘭花

卽事

過兄山閣

春夜

竹枝詞

四首

同內子看梅

和韻詩

賦得老驥伏櫪

金精七絕句

過萬松坪

送友人歸黃山

靈巖雜咏

十首

靈巖值徐昭法令子

客舍題壁

真州候船

喜江思禹

見訪

壽族母六十

石峽停舟

催妝詩

送袁重其

寄內

送人歸休寧

夢中得絕句

爲僧募鐘

聞鳩

贈謝子實

桃花菴卽事

春日卽事

題畫秋葵

海棠

送陸亦樵

蕪湖塔題壁

魏叔子詩集卷之一

四言

寧都魏禧水叔著

世倪直士編次

門人歐陽士杰遜萬較

獨漉篇

獨漉獨漉水深泥濁水深尚可泥濁汚我牽手下水
不知深淺寧沒我頭毋濕我面干將斷狗薄刃不缺
不惜傷刃惜此狗血身長衣短繫帶不中側聞子羽

懷玉渡江伏石當路夜化爲虎手無利兵虎欲咬人
北風莫莫落木莘莘土氣脈發捐故得新

壽謝中菴六十又一

心不嬰物物不嬰身爪角之害動靜以生先生食技
官行神止既周既始六十甲子

甲申九月白衣子取李虛中書占予索爲書扇

寫蓋江南君臣之堂情景

豺狼逐逐狐兔于窟耳奄息晏其荆棘

張其網羅羅之搏之火阜于原熏之灼之
日出天心清風在林吳子至止欽酒鼓琴

弟云索謝詩如此命意命辭奇甚

秋蟲五章 有序

甲丙之交大變三及予三言之已臥聽秋蟲慨然
有賦

萬物欲秋有蟲啾啾或鳴在原曰秋日秋人曰無然
或鳴在原祗不爾聽或鳴在壙帝不爾信帝曰眇爾
蟲無知不念下民之無衣

我行四野秋風索索或吹其南或吹其北

日謀諸市欲以貿絲日謀諸婦維此杆機維此杆機

則已後時

維秋徂矣維冬居矣秀秀雨雪則載途矣民曰祁寒

逝剥膚矣傷情之聲悲嘯推絕蟲則徂矣帝曰吁矣

病中送林確齋之天興

秋風淒淒黃葉四飛豈曰懷子念子無衣

秋風射射吹彼棘柞豈不子懷子在天下

秋風發發病夫怛怛行人忽忽操刀則殺

傷懷詩 丁亥作

北風漠漠寒雲千里瞻望昊天涕泣不已

昊天不信降我劓，函亦旣克始。弗克有終，樂彼友生。
覲覲鞠躬曰：豈懷子子有父兄。

父兮生汝兄，兮成汝弗。汝能德母，以汝府辜發發新。
政如鼓洪鑪，旣療汝毛亦腊汝膚。

汝亦有言，大小輕重。愛親曰仁，見機曰勇。厥惟智哉，
求人則明。自求則慳。

誓余於天，訴余神明。迎余涕泣，倦揖于東房。

伯歌

有序

薄俗性失饗，餐是師痛人。肌膚離析，天屬取媚。其

口僻友狎客酒傳爲生嗚呼悲夫彼亦人子也上
探天怒造攻于民身戮家燬殃及子孫哀爾丘墓
終焉始已作侑觴之辭

諸乘食身胡爲饑饉哀斯人斯效身鼎亨乳貓食子
胡爲不仁哀斯人斯首子以蒸鳴裊破鏡饑食父母
哀斯人斯匪凍匪餒猩猩甘酒鬲鬲甘人哀斯人斯
得食欣欣

擬鍾建新婚詩

楚昭王奔郢鍾建負季芊以走旣定誓嫁之季芊

日所以爲女子遠丈夫也鍾建負我矣遂妻之

讒人食國封豕外証荒荒夢澤載寢我王有鷄斯雛

將飛其旁由于背戈我乃負行天意所知下臣何望

惟君貞一媿泐以降玉佩陸離華鐙皇皇親我容輝

中心悽愴千秋萬歲以報君王

季芊答詩

在幼章華實惟師保天意降訥乃在夢道王出取我

子以襁褓肘足旣接有覲禮守念子忠敬願言灑掃

華鐙宛宛垂帶離離千秋萬歲與子無違

弟云格力渾古而意思纏綿錘鍊到極處愈鍊愈
璞真絕調也

桂頌 戊戌作

惟日之英惟月之精誕降嘉樹結根山陰六月徂暑
寒露於及炎暉爲虐孔熯其濕漑漑伊洛吁揭而涉
蔚哉佳樹不殫不殫迺紛敷榮纍纍葭葭帝曰於哉
甘露晨零地出醴泉夕飲其根托身一隅聲聞四遠
震震業業本支無愆

躁箴 示內作

人之性情莫病於躁躁根不除百病相導惟躁則急

志在速得偶不稱心憤怒盈色惟躁則狹百憂來集
小事小故不能容納躁則無禮舉動麤鄙尊卑乖常
漸失綱紀躁則傷德不知愛物下我之人恣意嗔責
躁能損身病疾叢生火氣上燦如灼如焚躁能敗名
事不經心未爲惡事先出惡聲躁能害嗣生育不孽
如彼炎方草木枯死惟躁之人至多罪愆不知省已
尤人怨天惟躁之人罪愆至多天怒人責災害則羅
爰有藥言去躁之方勉爾和順去爾傲剛靜則思理
動則持氣忍之一時利之終世上畏於天下畏於人

古之賢德至今令名嗚呼成哉慎汝動處賢愚禍福
爾惟自取

筆銘

著書萬卷我無一字

弟云成功者退美利不言是宰相本領等閒從筆
上說出大奇

讀水滸

說得渠

杯羹亡國壺殮得士無往不復衆少如此睡毗之故
然可畏讀者端備小心如此

君不擇臣相不下士士不求友乃在于此寒日衣爾

饑日食爾日相爲生日相爲死

爾富我覲爾功我伎一父之子截爲二體我貴爾較
我能爾矜一人之身不相爲親亦曰詩書亦曰道德
彼狗偷子無驕吝色

躬菴云於盜賊中括盡根本塞原之要大奇大奇
○士不求友一語尤奇而確

葉烈婦誄

有序

烈婦姓謝氏爲邑士葉芊妻猝迂賊婦給之得不
辱乘間自刎死賊驚歎曰此真所謂烈婦矣削木
署姓里表屍側去烈婦子媵也祭而誄之

婦旣烈止義從如水人智也生婦智也死

梅詠 有片

草湖村舍旁有獨梅樹髡其半樹突曲甚古秋社
予飲酒見之余少愛梅嘗從伯子采梅潭浦得古
樹刺藜藿而坐之日移不能去爰期田父梅花時
進子報曰是已枯死予愛之益不能去田父好視
此予眼中二十年不見此樹詠之曰
哀予遲莫忽茲觀子世不受知竊自枯死

中叔云深情孤憤如聞歎息

苦夜長 巳亥作

長夜漫漫海乾石爛

一解

月落雲黑出血鞭石登汝

扶桑叫日不出

二解

鬼相逢笑老鼠伊嚶得意擲跳

蒼蠅薨薨聾天不得明

三解

巳而行

巳而已而日東月西寒往暑來

黎

兩不相知

一解

巳

而已而軒于自讓荔挺自秀巳而已而何譽何咎

二解

巳而已而炭相冰親冰漸炭陰巳而已而

三解

上天

西傾地下東沈三瓦不成物全不生思與讐并

四解

大壽百年三萬六千如鳥斯翔已而已而五解

邦士云能攝召人魂魄處乃樂府中絕妙之境

區區行

我有區區欲奏無因願以衝風上傳于天母曰暴虎
莽蜂則撓母曰馮河沈之行潦孟敏何人破甕不顧
秦母箕帚子立諄語鶴鳴于臯聲聞于野翫此細娛
渙若解瓦邦之淪胥亡是正直何有疏附君乃孤特
束木三尺附塗丹雘潔粢豐盛不言而服室則在東
人則於西我欲往從風雨問之

讀史雜咏呈藥地大師

師字平姓方名以智字密之州城人國變後爲僧

初號無可

周公

辟如相馬欲明其目多才多藝爲天下腹

弟云宰相以知人爲第一却又非無才者所能四語說盡古今相業

文信國公

尼父桑落子淵不死公孫效命嬰日死易

弟云寫出信國苦心大用千載如生

申屠子龍

乙酉間師辟馬阮之難獨身入西粵留處數年

魏叔子詩集

卷七 四言

八

禍來無所獨身棲樹二女異心不可同處

弟云辟難要訣

張留侯

心長手短父冤不報報父父之是謂達孝

弟云千古大義留侯知已後人責良不輔韓而輔漢背報韓初志者可以曉矣

李鄴侯

方若行義員若用智動若逞才靜若得意

兄云化工之妙

邵康節

師精邵學

車音幽輅載遨載遊胡以觀化迺在幽州
弟云特識苦心

都區寶

師廬墓後
始脫疑謗

華秋滕兔獵夫解貪孝子在廬猛虎俛顏

耶律長哥

中心所喜啣茶如齋老女種種蔬食布衣

佛圖澄

怒風海立鷗遊其渙不入虎穴安得虎子

魯朱家

拈花微笑
相見如此

延陵心許脫劍墓樹能相爲知不相爲語

兄云真知已正不必求相知

弟云以古人情事寫今人心跡已爲難工而又欲以數語中古人要害篇中有賦有比有興有頌有規有勉所謂意篤義博語與體直真不虛也

出北門送死

出自北門橫遂吹笙白衣白冠參差百人有酒盈樽
欲爲君斟瞻彼高原素旄翩翩君去何時慨然獨還
賦得老驥伏櫪志在千里

老驥伏櫪志在千里烈士莫年壯心不已白水流東
黑水流南弱水負芥強水沸金高高者天欲上階捐

仙人授我朱藥兩丸東是日出西是日沒斲鄧林樹
使我長黑我有善馬在彼歧下得馬莫殺馬肉殺汝
中叔云移山則爲愚公之人擊衣則爲智伯之士

景行五章爲門人會師庠作

有序

詩曰景行行止美新婚也庠生二十五年仲兄度
賣卜而室之傳曰孝衰于妻子兄弟之故開自婦
人小子念諸

升彼章丘以望景行輻輳鏘鏘駕言何梁吹笙鼓簧
季女斯臧

惠風南來吹彼河艸
宴爾新婚靡不敬好
云誰醮之惟兄載嫂
載拜以興念昔先考

飛飛鳴雁傲傲其口
千里啄粟不可以飽
無冬無夏於邁斯老

既飲食女又教誨女
既納之纓又逆之女

季女變止婚友謹止
鄙人傳止惟兄曰吁
斯惟予之辜予未二十
考斯室予

冠已四章爲門人會宗懋作

嗟汝小子冠已而婚
捐爾幼志命曰成人
劬劬寡母

以恩以勤

北風索索吹我牆屋如彼獨夜無有秉燭

維我之亞實惟汝父汝童而晬噬迺棄汝汝之母汝
翼越十五年以有今日

稼之生田則藏在廩子之生母則私其寢汝冠汝婚
寡母則順

弟云景行冠已二篇全摹三百而理旨聲情骨法
無不極肖所謂以古人格調寫自己情事正不嫌
其太似也

焚炙頌 有序

謂爾一章

有序

王子傾蓋迺若平生既旅既處遂踰二月今當分

張慚非仁者又無車馬之贈不得已而有言

謂爾則斷多端則敗謂爾則信多疑則殆謂爾受人聽焉則改謂爾知人則知其大母謂平生觀其一節亦有此失亦有彼得毋謂義小聞而不徙人將執此以推我彼蠅虻入袖壯夫改色翻羽奔蹠躓於丘垤維水蕩潏維山熾彳千里萬里自登自涉

雙孝堂頌

有序

高郵老子王新畬有妻曰陳氏姑疾醫不能起剖股肉以食姑羹未盡而姑愈越三月新畬之父疾

彌留新畬禱於天不應則曰吾妻嘗割股肉以起
吾母於是割其右股進之翁又愈當新畬割股昏
仆地時微聞空中語既生男子報汝妻當生女以
昌汝之後蓋姑愈而陳氏生子一信不知生女昌
後何說也越二十年一信死將死曰吾生姑以娛
母三年當復來及陳爲新畬置側室田氏則實生
於翁愈之歲既生子一僕僕生距信死適三年僕
既長孝謹稱於鄉所交遊多遠近賢士人見僕之
似其父也皆曰孝子孝婦有子郵之鄉先生爲題

其堂曰雙孝癸卯冬易堂魏禧客於郵拜手而爲
之頌曰

維茲雙孝厥有六異羹股愈姑是爲一異妻創未復
夫刲其肉是爲一異婦肉瘳姑子肉瘳父如桴鼓鼓
是爲一異神告昌汝乃生田女是爲一異姑愈之秋
子生於婦父愈之年生生子母是爲一異人與曰天
子去子還越在三年是爲一異生子賢好聿象其考
哉敬哉赫矣天道維茲六異以昭雙孝

○。苟全居銘爲彭立齋作 有序

昔孔子稱衛子荆善居室蓋曰苟合矣苟美苟完
矣而諸葛武侯亦云苟全性命於亂世時平知足
而已故其情樂而辭安世亂則懼死禍之時至故
憂深而辭危武侯不嫌黃頭之妻胡倫許妾並跛
眇良有由也劉向曰犬吠不驚命曰金城自非俯
仰無慚外鮮怨惡荼苦力作不及於飽煖未易言
此古高人如蘇雲卿輩一夕徙家不知所往其無
藏弄凌雜輕于去就蓋亦明矣夫奉已者約則資
於世者寡資於世者寡則全於身者多余二十年

草間竊自隱約然外有官稅內不能率家人力作
又好藝植花竹壘石爲臺架曲直之木以爲檻失
古人意彭子以苟全名其居其足以愧予也夫其
足以愧予也夫爲之銘曰

瓦注者巧金注者婚彭子之居爰以永存

鏡架銘

有序

斷竹爲之形如覆瓦衡視鏡減五分之一加一之
五焉縱加鏡二分之一減一之二焉高視衡三分
之一薄殺其筠礎以密石沐以清泉摩以粘芸芸

然新粟出於苞於是四分其縱三陰而一陽剝其
陰陽之間而坼之坼中斜廣視衡減六分之二焉
而餘其左右偏厚薄視鏡膚以受鏡若小兒仰而
啣餅於口中四匝髮起周繚之新城張畫作銘曰
臥竹立金見面知心

有穆斯人五章壽程山謝秋水五十初度

峩峩程山湛湛秋水不澄其源孰清其委有穆斯人
冲然以止巾帶容與於堂於肥 湛湛秋水峩峩程
山有穆斯人機心閒閒執敬不渝如廟受膳伊有畏

也無有患也 程山峩峩秋水湛湛月臨其楹日照
其檻虛室之光生於幽闇有穆斯人見彼空籬 秋
水湛湛程山峩峩惟山有竹其枝猗儺有穆斯人靜
壽孔多惠然風來吹我庭柯 我之四十終已無聞
有穆斯人令問孔新不懈不有以淑汝身弟子百億
施於後人

題像

水竹月光於我如此龔尙肖形魏禧叔子時惟丁未
九月十六陳生一元經中寫竹

火一章爲孔正叔壽

正叔先生積學力行既七十年著書百有餘卷再見禧於新城欣然謂其從弟八桂吾不知吾之有七十身矣禧聞而歎曰噫函關尹所謂火神意在斯乎因遂成詩

至精無人至神無我非膏非薪曷以名火膏消薪止火神不息惟能役物不爲物役形樸於木志貞于石學七十年一無所得客氣不守神火以存光燭天下

因人用人

後獨漉篇 爲友人作

獨漉獨漉水深泥濁日出當心龍蛇起陸酌水一斗
爲泥一酌居水斗容四升顧影不見使我踟躕東隣載車西
隣壞牆微子之言珠莫夜光庭中之桂有渥其丹風
雨摧之芳香未闌青青者葵望日不復我則有心皇
衛其足終風且霾惠然肯來十句不雨天何時開

弟云日出二句寫得疑心人平地波濤較青天間
雷暗中生鬼語尤覺可畏結二句本易遇雨則吉
意極有本領有學問語芳香未闌有德音不瑕之
度皇衛其足有蹇蹇匪躬之忠有友如此直是武
侯盡掉屈平離憂讀者未可僅以節古語與作一
首佳詩賞歎也

碧幢銘 有序

吳門李灌溪先生名其燕私之居曰碧幢蓋古樹
扶蘇交蔭若幢然仰而視之湛湛深碧若不見天
先生以碧幢爲種車者三十年樹日古先生亦老
且八十先王之身凡三變始以進士爲名御史著
直聲中而執節自廢晚好禪觀刊落一切雖忠孝
節義之名以爲無所用飲酒圍棋笑宴自順如嬰
兒吾辟於樹玄冬枯落中含生意然碧幢四時皆
碧不改柯易葉然則變有不變老有不老佛書曰

西方之樂國四時如春是以先生爲嬰兒爲碧幢
禧受先生命爲銘曰

惟春不生惟秋不脫匪葉匪枝如彼膠轄彼瓊者車
彼樹者廬其中有人亦白而虛冷冷風生一葉來下
拂我素琴鏗然心寫

魏叔子詩集卷之二

雜言

寧都魏禧水叔著

勇 世侃直士編次

門人歐陽士杰遜萬較

謹言箴 有序

古人以謹言語並慎飲食吾謂口之所入者禍小也且既已食之則猶有可以治之言語不然同於

刑殺

水之覆兮不可掬言之黷兮不可贖刑之劇兮斷者不可續

白日辭

有序

魏璫之難楚大司空程公芸閣幾不免其仲子吏部雪凶先生抗兵白雲山誅獻賊不克死司空之孫正與欲播先德於後來徵哀辭余友林确齋亟道正與余願得交之作白日詞

白日忽兮晝暘闔猗國兮皇輿折義臣兮競死喋血先兮後不止屹司空兮諤諤身不讓兮逢惡 聖人

兮神武垂拱初兮禱祝沮惟天路兮多難朝無人兮
盜滿山握虎符兮鳴佩玉延樹領兮頭崩角望白雲
兮鶻起氣吞賊兮公仲子斷脰拉髀兮甘如醴檜裔
兮逃祖信國斬兮曾立附幸甚至兮正冥祖芸閣兮
雪窗仲父

醉者歌

有序

余有至友耽長夜之飲旣廬翠微會當白雪彼有
旨酒酌二雅而秉五經雖無嘉穀羞大房而獻夏
屋葉凋銀海花撼玉山進以童羖之箴有被害馬

之斥酒殊非濁輒澆

元亮

之巾笑亦未歡竟沾孟德

之幘若乃登堂步觀御克讀書聲聞謝安客子索
沽擊柱問價主人亡酒面牆求門噫嘻悲夫莫高
匪山如彼雨雪願言不寐是用作歌

君飲酒我歌之君聽否醅覆布糟鐵口物不壽人胡
老噫父母勞生育兄與弟毛裏屬妻子兮難孤獨有
朋友真骨肉酒熱兮熱燼燼山高兮高兀兀雪滿兮
雪靈靈泥滑兮泥活活人下兮不復上酒入兮不復
出醉者叫醒者笑死者促生者哭醒笑醉已心碎生

哭死何堪此歌當哭爲君祝哭當歌可奈何

白日歌 有序

交曾子二十年矣癸巳正月就余別朋友一道今日不絕如髮雖予與曾子最後乃得知已豈不難哉統統白日悠悠江水奈何奈何歌曰

白日統統兮臨江水吾與子兮永如此

值松草堂歌爲彭躬菴作 有序

嗚呼松亦闕人多矣夫彭子安往而不得松哉爲

之歌曰

維鳥擇木木不鳥擇維茲之松兮與子直

善人頌

天不生善人天道滅人不行善事人性絕何以獨智
使教昏何以獨豐使恤貧何以獨生使救死生不行
善與死比誰不飲水誰不食粟勺水粒粟莫非天祿
食祿曠職天怒亟於戲善人受天福

脚躡行

山高兮水深古道兮中情儵忽兮先後影影兮浮沈
鳴嗟兮水流噫我兮乘舟之子兮焉在欲別兮夷猶

行把兮君袖青松兮在路蕭颯兮多風欲行兮安處
邦士云古處可爲徜徉靈動處亦可爲合此兩者
另藏一種旨趣發出一種光氣卽非漢魏人不能

歛瘦銘 有序

余行山中得木瘦大如椀爰命削氏虛之爲酬酢
之器其體上橢而下歛受酒者必持飲 銘曰
虛受滿持噫嘻歛器之遺

笛杖銘 有序

壬辰二月予采木於叢翳之林有節好者而蠹穴
其首宛中竹笛之管古人制杖以扶身之危制笛

以滌人心之邪穢觀斯本也可以交厲然有名無實內外不相副君子耻之銘曰

管窅窅兮節稜稜心不虛兮聲不應

書筒銘

有序

截其筌削筠而底之上下筠五分其身斷一以爲蔽于是乎濶之也則出入諸乎祛銘曰

惡其文之著也則可卷而懷之

黃婦誼

有序

自朝有穢史士多諛墓國乘家傳疑者十九若夫

里巷細民不徵不信則風謠闕焉星子宋君紀里
人黃節孝婦徵辭于易堂宋君賢者傳曰君子之
言信而有徵爲作黃婦誼

天地否有女子哀結襦夫逢疴啖其股不病已北稽
顙妾身以笄笄姑夫竟死姑笄笄年六紀夫弗子寡
昆弟往從之獨姑在姑草食婦亦爾有痿疾久無悔
曰有容烹肥鮮酌其右當夫子旣立子割良畝祀西
披舅夫偕子取婦終勤止身翼姑溫其被夫伊誰黃
元啓父伊誰干城女誰爲旌之王忠烈誰爲傳之宋

未有

黃西坡先生宋儒者○王忠烈諱養正崇禎甲申
爲南康太守後死節○宋未有名之盛崇禎己卯
舉人國變後高隱不屈

賦得老驥伏櫪志在千里

馬伏櫪聞戰鼓鼓闐闐老馬怒小駟驕夷吾虜馬欲
死君君不許君自聖馬伏櫪思慶鄭

中叔云棄子胥用伯盭而吳亡疎伍奢嬖無忌而
楚破故秦穆以悔蹇叔與晉惠以殺慶鄭敗忠臣
愛君老馬戀主使千載下人涕零

三愁詩 有序

皆靈均放亡，覓慮散分。其徒宋玉、景差作賦招之，
極稱上下四方凶惡不可往，而張平子抑鬱不得
志，作四愁詩。余今適作三愁，調多徵古意，各有至
云爾。

登高山兮望東方，樹森森兮愁未央。我欲從之扳扶
桑，綿蒙蒼蔚無天光。軒于叢棘鈎我裳，虎豹蹲伏熊
羆張。靡肉下血爲酒漿，我欲從之愁未央。

登高山兮望南洲。

朱

火烈烈兮愁何如，我欲從之遊

明都。兩蹠不前，心躊躇引頸而望。燒我須，我欲從之。

愁何如

登高山兮望朔北水浩浩兮愁不息我欲從之瞻北極寒風飛雪高千尺僵死不仆如冰立草木不生何以食我欲從之愁所適

題張曲江像

有序

張名繡鑑榆林入南豐令

辛丑夏秋余再經南豐於甘健齋處數見曲江詩文而未識面余每以此遺恨健齋也壬寅正月健齋來勺庭出伍山人所寫曲江小像家伯子見而拊掌曰是必似曲江無疑古今稱天下豪傑多出

西北西北士不說學少文采夫學爲曼詞綺語以
虛文相炫耀讀萬卷書不如未識一字然經國制
治決大疑定大難非讀書明理識時務者亡由說
命曰學於古訓乃有獲周官曰不學牆面蒞事惟
煩故東南之讀書不如西北之不讀書西北之不
讀書又不如西北之能讀書曲江生西轍絕塞之
地古名將所都會而文采若此余愛曲江甚欲作
書以道之會山中桃花大放外人來者日接跡于
勺庭不暇及僅爲曲江題像并序于德齋歸以貽

之題曰

讀其文奮厲而揮斥觀其像何其沈而多思也其殆
驚鳥之將擊者與

四愁詩

有序

辛丑八月余作三愁詩今題更作四愁摧雜絕哀
亡及章句時壬寅臘月也

登高山兮望昧谷聳唵兮熒兮槎若木羲和俎兮歿望
舒百靈聚語兮鬼旅哭洪波瀕洞兮滔蒼天懷高陵
兮沈平原歛寸土兮不得乾前雄虺兮後飛蜈攢戟

足兮齒交鉏出丈舌兮探我腦我無首兮何以居布
氣兮雨毒上崢山兮下壑谷窮天表兮薄地軸繼天
蛇兮攀軒皇雷震怒兮逢荼毒天漆漆兮地吸吸庶
呈雨隕兮人蒲服獸駭兮禽奔森鬼神兮環立練修

蛇兮閃忽火發發兮風烈馬足齊兮鳴張梟叫兮鏡

別六七字忘替調俱絕人

凌獵埃衝風兮上閭闔帝親駕兮天門陪鸞龍兮上

京避正殿兮不食罪已詔兮朕躬召咎繇兮呼蘇公

羗平反兮焉從左杜張兮右周來獻所能兮已窮十

幽駕兮天庭稽首帝兮臣聞風火將兮六交一日俾

今萬生天地敝兮不息壽永永兮無極

躬菴云中有灑氣彌匝六合之外乃能舒天柱之指振崑崙之筆張皇幽討凌絕宇宙補春秋之創書成離騷之變徵令萬世人讀之震盪駭汎永絕萌蘖以視榮桑述酒漁陽三搗未免小巫指窮一索○詩不在聲讀難終福爲三百篇風雅變聲另闢一境擴開萬古之心胸推倒一世之智勇文力所能並莫鰲足

邦士云渾深古佚真楚辭也

役人歌 有序

石城廖公以全髮死於兵族祀石牀爲作傳癸卯

二月且來徵詩石牀好傳義死如頓縣盧子占寧

都劉方公葉縣而妻謝氏東門曾氏烈婦一門三

人皆予身見聞無異詞此知廖公不妄也公諱應
兆字聖符別號太初往署當塗時直三王之國
事欲毀瀕河諸屋以牽百丈公爲設筏沿岸濟之
民居得全者數萬家比年南北建置徵發相騷騷
而顛當江廣之衝石城寧都壤相接民苦樂相聞
杜甫有言得結輩十數公落落然參錯天下爲邦
伯天下少安可待也余讀傳內悲作役人之歌

朝被牒兮暮驅我行春田厭厭兮不得耕用一徵十
兮居其羸復役班兮秋役興嚴冬霜雪下兮雨冥冥

妻子離散兮，苦我身仰呼天。今不神靈安得廖公爲使君蒸祭歲兮壽千春。

題王滄厓像

有序

畫滄厓操弓挾矢而立，上不畫日月星辰，下不畫山林原壑，亦不樹侯，亦不騎馬，不類蹶張之武夫，亦非猗間之獵者，何不畫一恢奇男子於其側，以爲汝友閔閔然而孤立，何爲也。滄厓笑不答，余援筆題其上曰：

右執矢兮左操弧，有人顧兮兼兼須臾。不見飛鳶兮

下不見狐矯獨立兮誰須天蕩蕩兮地莫莫君何之
兮東西南北吾欲扳桂枝兮結汝帶折若木兮拂汝
足重曰左操弧兮右挾矢侯之抗兮何有寥廓紛攘
兮侯在止上不見飛鳶兮下不見狐執汝矢兮操汝

蓋古今草昧時忠智人心

第云八字說

弧

鷓林先生像贊

有序

高山懸泉松石之間有人抱膝而坐泊然無所事
目炯炯若有所營其爲今人耶今之何人其古人
也主人出揖客於庭則儼然此人也贊曰

義以止所謂賢者蓋如此

王中齋像贊

有序

有作孤松圖寫王子之形者余旣以兄事王子竊聞九方臯之相馬贊曰

儼乎吾不見其喜藹乎吾不測其怒多飲酒而少言洞乎其中有故

延壽篇爲李官玉翁七十初度

君不見楊延壽七十餘氣力尚未衰示戒子孫更作書親媼朋友贈卹飲食有加不使家積金帛用有餘

又戒子孫深慎言驅馳勢門輕議短長爲大愚是以
父子昆弟並敦義讓說詩書一門雍穆近代無有第
延祚事之如父六十登台輔醉歸扶持假寢敢寧居
噫嘻自萬石君五六百年有楊氏楊氏至今千有餘
年其誰乎今見東龍李先生而且行年七十朝而讀
書暮而讀書是甚盛德求之古若楊延壽者非與

乙巳元旦得圭箋試筆

毋毀汝廉隅毋露汝圭角謂汝如玉而不辭錯銳其
始平其底執之有常永終不敝

梁質人屬題帳

晦則息

韻

而閉

韻

斯明則作

韻

而啓

韻

斯君子于是

韻

識出處之理

韻

爲宋錦含銘硯

汝方其外而去其稜角因其自然而不琢其璞斯文章所由作

梓潼帝君贊

汝之文如雷如霆我亦不能聽汝之文立之又立我亦不能言彼赤帝而弁者以爲然吾烏乎不然

偶書

有耳而聾謂之聰有目而盲謂之明有口不啗禍之
林有心不昏災之門不見夫火熱水寒不相于月西
日東不相同日月水火其壽無窮也以此

丙午元日得日月雙環箋試筆

龍乘雲蛇乘霧雲霧冥冥下有馬神馬日萬里汗血
如火赤直走扶桑西逐日日月代出如環不息

古有龍蛇

跨馬之謠

題湘潭王山長三教小像

左右坐一僧一道士
旁列五女樂邊幅四

周題贊如織
皆一時達官

三公者伊何爲坐而論道女樂環之浮海來歸渦生
黎竹林峰中痛蓮臍五通神人頸可騎不行地難王
子知

石銘 有序

迎而眡之轟轟爾迫而眡之偶偶爾馮之以指不
踰指然而則已削矣眡其色匪然黃也眡其質皴
而竅其心鄧子元白有之易堂魏叔子銘之

洞胸穿呂弗得語方寸掌柱如响嘍墮履莫取誰嗣

女

陸梯霞將挾其子遊燕趙謝文侯圖之而屬余
題

胡儒行而戎服又挾其子子也才欲其似風急馬鳴
柳披靡落日荒荒渡易水

題友人烟雨歸耕圖

汝筆耕而舌耘石以爲田何爲跣足衣蓑戴笠其意
則然莘野已荒南陽就蕪蕪穢誰治非種誰與鋤我
七日不食誰與糜餽春刈霏霏春雨冥冥衣蓑戴笠

獨行無人我欲持三尺耜與汝耦耕兩手無力足不
得行年年束書游江上坐見膏田春草長

杖銘

我持而乎而而扶我乎而

林萌齋云朋友相須如是如是